

KONKURS

za dodjelu stipendija u školskoj/akademskoj 2015/16. godini za koje finansijska sredstva obezbjeđuje Fond "Bošnjaci" Sarajevo

I

Na osnovu člana 17. Statuta Upravni odbor Fonda "Bošnjaci" Sarajevo je donio Odluku o dodjeli **92 stipendije** učenicima i studentima u školskoj/akademskoj 2015/16. godini, i to:

1. **20 (dvadeset) stipendija učenicima srednjih škola** (po prijedlogu škola u skladu sa kriterijima Fonda "Bošnjaci"):
 - a) Prva bošnjačka gimnazija u Sarajevu 5 stipendija;
 - b) Gazi Husrev-begova medresa u Sarajevu 5 stipendija;
 - c) Elči Ibrahim-pašina medresa u Travniku 2 stipendije;
 - d) Behram-begova medresa u Tuzli 2 stipendije;
 - e) Karađoz-begova medresa u Mostaru 2 stipendije;
 - f) Medresa "Osman ef. Redžović" u Visokom 2 stipendije;
 - g) Medresa "Džemaludin ef. Čaušević" u Cazinu 2 stipendije.
2. **72 (sedamdeset i dvije) stipendije studentima na javnim visoko-školskim ustanovama:**
 - a) **54 stipendije** redovnim studentima prvog i drugog ciklusa studija u skladu sa kriterijima i sistemom bodovanja;
 - b) **6 stipendija** studentima Fakulteta Islamskih nauka u Sarajevu (po prijedlogu FIN-a);
 - c) **12 stipendija** učenicima generacije Gazi Husrev-begove medrese i Prve bošnjačke gimnazije u Sarajevu (u skladu sa ranije donesenim Odlukama Upravnog odbora Fonda "Bošnjaci").

II

Stipendije se dodjeljuju za školsku/akademsku 2015/16. godinu počevši od 01. septembra 2015. do 30. juna 2016. godine, odnosno 10 stipendija u mjesečnim iznosima od po:

- a) **120,00 KM** za učenike srednjih škola;
- b) **150,00 KM** za studente prvog ciklusa studija;
- c) **170,00 KM** za studente prvog i drugog ciklusa studija sa prosječnom ocjenom 10,00.

III

OPĆI KRITERIJI:

- da je kandidat državljanin Bosne i Hercegovine;
- da je redovan učenik jedne od navedenih škola;
- da je redovan student na jednoj od **javnih** visoko-školskih ustanova u Bosni i Hercegovini;
- da ne obnavlja godinu;
- da nije stipendista nekog drugog pravnog ili fizičkog lica niti da ostvaruje pravo na novčanu naknadu po drugom osnovu;
- da nije stariji od 20 odnosno 27 godina;
- iz jedne porodice ne može biti više od jednog korisnika stipendije.

IV

POSEBNI KRITERIJI:

- postignuti rezultati u učenju i vladanju;
- da je učenik odnosno student prve godine studija ostvario prosjek ocjena **4,50 i više** u završnom razredu srednje škole;
- da je student prvog ciklusa studija ostvario prosjek ocjena **8,00 i više**, a student drugog ciklusa studija **10,00** u prethodnoj akademskoj godini;
- ostvareni posebni rezultati na kantonalnim, entitetskim, državnim ili međunarodnim takmičenjima iz predmeta matematika, fizika, informatika i strani jezici u prethodnoj školskoj/akademskoj godini u organizaciji ili posredstvom nadležnog ministarstva obrazovanja;
- materijalno stanje porodice - socijalni status;
- bezuslovno pravo na stipendiju imaju redovni studenti **prvog i drugog ciklusa** studija sa prosječnom ocjenom **10,00**.

V

Za studente prve godine studija prosjek ocjena i drugo se uzima iz završnog razreda srednje škole, a za učenike prvog razreda srednje škole iz završnog razreda osnovne škole.

VI

Komisija za bodovanje i utvrđivanje prijedloga kandidata za dodjelu stipendija će utvrditi broj bodova za svakog kandidata prema sljedećem:

- bodovi po osnovu postignutih rezultata u učenju, takmičenjima i dr.;
- bodovi po osnovu prosječnih primanja po članu domaćinstva, odnosno socijalnog statusa kandidata i njegove porodice;
- bodovi po osnovu dosadašnjeg korištenja stipendije i dr.

POTREBNA DOKUMENTACIJA:

a) Opća

- zahtjev za dodjelu stipendije (preuzeti sa internet stranice www.fondbosnjaci.co.ba ili u sjedištu Fonda);
- uvjerenje o redovnom upisu u školsku/akademsku 2015/16. godinu;

- ovjerena fotokopija prve i druge stranice indexa;
- uvjerenje o državljanstvu;
- kućna lista (*izdaje se i ovjerava u općini*);
- pismena izjava podnosioca zahtjeva da nije i da neće biti stipendista nekog drugog pravnog ili fizičkog lica niti da će ostvarivati pravo na novčanu naknadu po drugom osnovu u šk./ak. 2015/16. godini ukoliko ostvari pravo na stipendiju Fonda "Bošnjaci" (*izjava se daje i ovjerava u općini*);
- pismena izjava kandidata kojom se daje saglasnost Fondu "Bošnjaci" za objavu ličnih podataka prilikom objave rang liste, odnosno rezultata Konkursa i dr. na web stranici Fonda (*izjava se daje i ovjerava u općini*).

b) Dokumentacija koja se boduje

- uvjerenje o položenim ispitima iz prethodne akademske godine s izračunatim prosjekom ocjena na dvije decimale;
- za studente prve godine studija ovjerenu fotokopiju diplome i svjedočanstva završnog razreda srednje škole kao i dokaz ukoliko je ponos ili učenik generacije;
- dokaz za osvojeno prvo, drugo ili treće mjesto na kantonalnom, entitetskom, državnom ili međunarodnom takmičenju iz predmeta matematika, fizika, informatika i strani jezici u prethodnoj školskoj/akademskej godini u organizaciji ili posredstvom nadležnog ministarstva obrazovanja;
- diploma Rijasetu Islamske zajednice u Bosni i Hercegovini o položenom hifzu;
- dokazi o ukupnim mjesečnim prihodima/primanjima za punoljetne članove porodičnog domaćinstva po osnovu: radnog odnosa, penzije, samostalne djelatnosti, boračko-invalidske zaštite i drugih osnova (*za uposlene isključivo platna lista, za posljednji mjesec, iz koje se vide stvarna primanja, za penzionere ček od penzije za posljednji mjesec, čekovi od IMO i LIMO, za nezaposlene članove domaćinstva uvjerenje Zavoda za zapošljavanje, a ukoliko se ne vode na Zavodu za zapošljavanje dostaviti uvjerenje iz poslovnice PIO/MIO da se ne vodi kao osigurano lice po osnovu radnog odnosa ili ovjerena fotokopija zdravstvene knjižice iz koje se mogu vidjeti podaci o osiguranom licu, osnovu osiguranja i srodstvu sa osiguranikom, za članove domaćinstva ispod šest godina starosti izvod iz matične knjige rođenih*);
- dokaz da punoljetni članovi porodičnog domaćinstva imaju ili nemaju samostalnu privrednu djelatnost (*uvjerenje Porezne uprave ili drugog nadležnog organa na osnovu kojeg se vidi da li se vode ili ne vode u registru poreznih obveznika kao poduzetnici, odnosno da li su ili nisu prijavljeni u jedinstveni sistem za registraciju, kontrolu i naplatu doprinosa kao obveznici po bilo kom osnovu sa iskazanim mjesečnim odnosno godišnjim prihodima*);
- dokazi za roditelje: šehidska porodica, bez jednog ili oba roditelja (*izvod iz matične knjige umrlih*), dokaz o učešću u odbrambeno-oslobodilačkom ratu najmanje 24 mjeseca, dokaz o invaliditetu roditelja - preko 60% odnosno 80%;
- dokaz o ličnom invaliditetu kandidata - preko 60%;
- dokaz o redovnom školovanju učenika/studenata u porodici.

VII

U skladu sa odredbama Vakufname, Odlukom o broju, strukturi i kriterijima za dodjelu stipendija u školskoj/akademskej 2015/16. godini za koje finansijska sredstva obezbjeđuje Fond "Bošnjaci" kao i drugim normativno-pravnim aktima Fonda, pravo učešća na Konkursu imaju redovni studenti **prvog ciklusa** studija na **javnim** visoko-školskim ustanovama (*fakulteti i akademije*) u Bosni i Hercegovini sa prosječnom osjenom **8,00 i više** i redovni studenti **drugog ciklusa** studija sa prosječnom ocjenom **10,00**.

VIII

Najuspješniji studenti u svojoj generaciji, stipendisti Fonda "Bošnjaci", koji na kraju prvog ili drugog ciklusa studija Univerziteta u Bosni i Hercegovini ostvare najbolje rezultate, uz dogovarajući dokaz, imaju pravo na priznanje i novčanu nagradu Fonda u iznos od 200,00 KM.

IX

Uz **zahtjev za dodjelu stipendije (Obrazac: ZFB-I)** dostaviti **originalna dokumenta** ili **ovjerene** fotokopije.

Sastavni dio ovog Konkursa je **sistem bodovanja kandidata (Obrazac: SFBF-I)** objavljen na internet stranici **www.fondbosnjaci.co.ba** na osnovu kojeg je kandidat **obavezan sam sebe izbodovati**.

X

Krajnji rok za dostavu zahtjeva je **20. oktobar 2015.** godine.

XI

Rezultati Konkursa će biti objavljeni u **drugoj polovini novembra 2015. godine** na internet stranici Fonda "Bošnjaci" Sarajevo **www.fondbosnjaci.co.ba** sa pravom prigovora/žalbe Upravnom odboru Fonda u roku od **3 dana** od dana objave preliminarnih rezultata.

XII

Ukoliko se ustanovi da je neko od dobitnika stipendije dvostruki korisnik ili se utvrdi da je ostvario pravo na stipendiju na bazi netačnih podataka sa istim će se raskinuti Ugovor o stipendiranju i zatražiti povrat uplaćenih sredstava.

XIII

Nepotpuni zahtjevi i neblagovremeno dostavljena dokumentacija **neće se uzimati u razmatranje**.

Zahtjev za dodjelu stipendije sa potrebnom dokumentacijom dostaviti putem pošte ili lično na adresu:

Fond "Bošnjaci" Sarajevo, Ul. Džemala Bijedića br. 17, 71000 Sarajevo.



DIREKTOR
Sahin Kerla
Sahin Kerla, prof.